



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sulpici[i] Severi Presbyteri Opera Omnia

Sulpicius <Severus>

Amstelodami, 1665

Balthasar Rex Babyloniorum.

urn:nbn:de:hbz:466:1-11490

tri minori, qui ¹ *Balthasar* dictus est, locum fecit. Is cum ³ ² quarto & decimo anno, ³ publicum epulum principibus ac præfectis suis daret, sacra vasa, quæ per Nabuchodonosor de templo Hierosolymæ ablata, ac in regales usus usurpata,

eum fuisse filium Evilmerodachi, ex Jerem. cap. 27. *vsq.* 7. Alii nec filium, nec fratrem, sed eundem cum Evilmerodacho. Quia Daniel eum statim Nebucadnezari subjungat. Deinde, quia semper eum vocat filium Nebucadnezaris. Denique quia Jeremias 1.2. eum vocat Merodach, quod idem ac Evilmerodach. Ac juxta hanc sententiam dandi sunt Balthasari anni regni xxxiv. Sed ex omnibus nulla probabilior quam Sulpicii nostri, fratrem Evilmerodachi minorem fuisse. *Hern.* Alii scribunt Balthasarem non fuisse fratrem Evilmerodachi, sed sororis filium. Sane à Beroso & Megasthene vocatur *Λαβοροσοῦρχιδος* *Ναβουδονοσοῦρος* *θυγατριδῆς*, id est, ex filia nepos. Is est Balthasar. *Drus.*

1 Balthasar dictus est.] Hic Balthasar non potest alius esse quam Laborosarchodus, ut scribit Berosus, sive Laborosarachus, ut scribit Abydenus, qui ambo eum interfectum memorant. Breve oportet regnum habuerit, quia omittit ejus nomen Ptolemæus. *Grot.* Nabonidum, quem postremum in Berosi catalogo recensuimus, Joseph. 10. Art. 12. Baltasarem esse putat, cujus in Danielis libro mentio est. Hic vero Josephi mira est oscitantia; qui illos ipsos, unde hanc historiam descripsit, auctores, incuriose legit. Testis est enim Megasthenes Nabonidum nullo propinquitatis jure cum Laborosarchodo fuisse conjunctum. At Balthasar ille Danielis non alienis utique successit: sed paternum & avitum sortitus est regnum. Verba Berosi, *ἀπλοῦργα δὲ τῶν σπιλθόντες οἱ ἐπιβλασάντες αὐτῷ κενὴ τὴν βασιλείαν παρέβηκεν* *Ναβονίδα πνὶ εἰς Βαβυλῶνα* *ὅλη ἐν τῷ αὐτῆς ἐπιστάσεως.* Non possunt hæc de legitimo ejus, qui

mortuus erat, hærede, ac successore dicta videri: sed de peregrino, & adscititio; cujusmodi Baltasar non fuit. Non est igitur idem cum Nabonedo Baltasar, sed potius cum Laborosarchodo Nabuchodonosori nepote, ex ejus filia, quæ Neriglissaro nupsit, ut scribit Berosus. Neriglissarus vero, quasi tutorio nomine, pro filio Laborosarchodo seu Baltasare regnum administravit. Hinc est, quod Baltasari tertius annus tribuitur à Daniele. Quod autem Hieremias prædixerit, Deum Nabuchodonosoro, ejusque filio, ac filii filio regnum esse daturum; *filii* nomen pro genero sumi potest. Ita Davidem filium appellat Saul. Hieronymus quoque, ubi Nabuchodonosor pater Baltasaris vocatur, proavum significari asserit; ut mirum non sit, si, ut *patris* appellatio, ita *filii*, à propria notione ad minus propriam aliquando transferatur. Nam & 11 Paral. cap. 22. *vsq.* 2. Athalia Amri filia dicitur, quæ neptis esset. *Petavius.*

2 Quarto & decimo anno.] Josephus autor hæc accidisse anno regni ejus decimo septimo: à quo dissentiant non parum, qui ei tantum annos quinque assignant. Qui Laborosarchodum eundem faciunt cum Baltasare, tribuunt imperio ejus menses 1x. duntaxat: quod Josephus prodidit de Labosardacho (sic eum appellat) quem diversum facit à Baltasare, *qui Babylonis*, inquit, *Nabonidel nominatur.* Alibi est Nabonidus sive Labonidus pro eodem. *Drusius.*

3 Publicum epulum.] Daniel. 5. Joseph. x. 11. Solebant id interdum facere Orientis Reges, ut ex Herodoto 1. & Xenophonte 7. apparet. Multi putant Balthasarum obsessum à Persis & Medis, ut ostenderet se hostes suos despiciere, hoc convivio suos excepisse. Id quod in simili

pata, sed ¹recondita in thesauris habebantur, ²proferr
⁴imperavit. Cum his per luxum ac licentiam regalis convivii
 promiscue ³omnis virilis ac muliebris sexus, uxores con-
 cubinæque ejus uterentur, subito rex in pariete conspicit
⁴digitos scribentes, cernebanturque ⁵in versum ductæ li-
⁵teræ. Sed ⁶qui posset scripta legere, non reperiebatur.
⁶Igitur rex perterritus, ⁷magos & Chaldæos advocat. Qui-
⁷bus mussitantibus nec quicquam respondentibus, ⁸regina re-
 gem

simili casu Epaminondas egit. *Diod.* 12. & Viriatus. *Florus.* Sed obsidio illa à Josepho oscitanter vel Judæos suos secuto, vel authores profanos legente, conficta est, & ab eruditis explosa. Nondum enim eo tempore Cyrus arma sua in Babylonios verterat, occupatus adhuc bello Lydio.

1 *Recondita in thesauris.*] Imo in Beli templo, ut notat Hieronymus.

2 *Proferrijussit.*] Quamdiu vasa fuerunt in Idolio Babylonis non est iratus dominus (videbantur enim rem Dei secundum pravam quidem opinionem, tamen divino cultui consecraste) postquam autem humanis usibus divina contaminant, statim pœna sequitur post sacrilegium. Hieronym. ad 6. Daniel.

3 *Omnia virilis & muliebris sexus.*] Sigonius mavult, *Omnes virilis ac muliebris sexus uxores.* Quod ut non improbo, ita scio veteres scripsisse *omnis & omnes* pro omnes. Sic quis & queis pro quibus scribebant. *Drus.*

4 *Digitos scribentes.*] Movente eos angelo Gabriele. *R. Salomo.* Lyra putat manum hanc tantum extitisse in phantasia Regis. Sed ex textu refutatur. Alii non totam manum, sed digitos tantum apparuisse dicunt. Quia dicitur *וַיֵּרָא אֵלָיו אֵת מַנְדְּרָאֵי יָדָיו*, palma manus. Unde Syrus & Arabs Alexandrinus vertunt: *egressi sunt digiti manus hominis.* Sed verius est totam manum conspectam. *A. Lapide.*

5 *In versum ducta litera.*] Suspicio legendum apud Sulpicium: *in candelabrum versum*, ut dixit Cicero, *in forum versus.* Sigon. Quod & Drusus approbat. Non

bene. Sensus enim plenus & elegans est, literas illas non confusim fuisse pictas in pariete, sed *in versum*, id est, voces ac lineam ductas. *Horn.*

6 *Qui posset scripta legere non reperiebatur.*] Quia literæ erant Hebraicæ. *Rabini* quidam. Quia transpositæ vel mutata. *R. Saadias.* Quia insolentes & extraordinariæ. *Pineda.* Quia sine punctis vocalibus scriptæ non intelligebantur. *Alii.* Quia impediti fuerunt Chaldæi ne legerent. *Alii.*

7 *Magos & Chaldæos advocat.*] Κατὰ πᾶσαν ἐκλήρυξεν τῶν χύμας τὰς πᾶν γογγύζοντες ἢ τῶν τῶ αὐτῶν ἀλλοτρίων ἀγνοίαν σαφῆ ποιήσασθαι, daturum se ei torquem aureum & purpureæ vestis usum, quali Chaldæorum Reges utuntur, atque insuper tertiam regni sui partem. Post hoc præconium major etiam fit Magorum concursus, certatim sensum literarum scrutantibus, nihil tamen perficientibus. *Joseph.* Quæ solitam oscitantiam ejus redolent. Quis credat una nocte per universum regnum præcones missos? Porro, ne quis accessisse dies aliquot existimet, eadem nocte & scripta, & lecta, & impleta illa sunt. Nec dicitur: *Tertiam regni mei partem dabo: sed tertius erit in regno meo.* Utinam diligentior fuisset Josephus & religiosior in sacra Historia scribenda! *Horn.*

8 *Regina.*] Η' ἡγεμένη αὐτῆς. *Joseph.* Nitocris scilicet, prudens fœmina. *Herodot.* 1. Vide Grotium ad 111. de *Verit.* Relig. *Christ.* Alii matrem fuisse volunt,

